



書



02075

管窺輯要卷之五十四

六安黃 鼎玉耳父纂定

男九命簡臣

九思視先

九成

桐城方兆及子詒全閱

帝王氣

天子之氣內赤外黃鬱鬱葱葱四方所發之處當有王者若天子欲有遊徃其地先發此氣遠近數

管窺輯要

卷之五十四

一

里如法期之吉凶以日辰占決期以支干數法又

曰天子氣如城門隱隱在氣霧中恒帶殺氣森森

然一曰天子氣如華蓋在氣霧中或有五色又多

在晨昏見又曰天子氣如千石倉在氣霧中又曰

天子氣如山鎮又如高樓在氣霧中又曰氣象青

衣人垂手在日西天子氣也又曰臨敵上氣如龍

馬雜色鬱鬱冲天者帝王之氣也不可擊若在吾

君上必得天助又曰氣如龜如鳳五色隨王時發

者天子氣也范增曰使人望沛公其氣冲天五色



相膠皆爲龍虎此非人臣氣也洛書曰蒼帝起青雲扶日赤帝起赤雲扶日黃帝起黃雲扶日白帝起白雲扶日黑帝起黑雲扶日○蒼帝氣如人白日拳手而脫者一手在後赤帝氣如火光如覆碁狀立在日下黃帝氣如馬在日下黑帝氣如船在日下○青紫氣自地屬天其地有貴女凡帝王氣發常以四時王相日時其國大昌

賢人氣

賢人氣視四方常有六雲五色具者其下賢人隱管窺輯要 卷之五十四 二
也青雲氣潤澤蔽日在日西北爲舉賢良

將軍氣

將軍氣如龍虎在殺氣中兩軍相當若發軍上則將猛銳吉凶以日辰決之若無軍在外亦當有暴兵起

城營上氣如火烟或如山林竹木或白色而有赤氣繞之或紫黑如門樓或上黑下赤如旌旗或如張弓弩或如鹿狀體大而高首銳而卑或如困倉正白見日益明或白如粉沸或如夜火光照人此

皆猛將氣也

軍上氣黃白如轉澤者將有盛德不可擊○軍上氣發漸漸如雲變伴山形者將有深謀不可擊若在吾軍上戰大勝氣上黑下赤在前者將猜悍不可當

軍上氣如蛟蛇向人此猛將氣也不可當在我戰必勝○赤氣上與天連軍中必有良將

軍上氣青白而高者將勇前白後青而高者將弱

下士勇前大後小將怯不明青而疎散者其將常

管窺輯要

卷之五十四

三

有此不變忽攻軍上常有氣者難攻有雲狀如鳥飛去者其國戰勝

兩軍相當敵上有氣如飛鳥徘徊或來而高者兵

精難擊夜視彼軍上有黑氣出上有赤氣臨我上

彼強我弱弱能破強小能擊大大戰大勝小戰小

勝

望四方有赤氣如鳥在黑雲氣內或如黑人在赤

氣中或如赤杵在烏雲中或如人十五五在行

列或如旌旗在易雲氣中有赤雲氣在前者其兵

精銳不可當○雲氣如三疋布帛前廣後大在軍上者戰勝

敗兵氣囚廢枯散如馬肝或色如死人或如僵魚或如僵蓋乍見乍隱乍聚乍散如霧始起或如群羊或如肆猪在霧氣中皆衰氣也

軍上氣如死蛇如擊牛如雙蛇垂頭如蜚虫四散如決堤垣如凍垣屋如人無頭如人相指如驚鹿相逐如兩鷄相向或如人頭如揚灰如掩指如懸衣如匹布亂穰如人相隨或如霧如鹿勃勃如烟

管窺輯要

卷之五十四

四

或五色雜亂東西南北不定或如群鳥亂飛或紛紛如轉蓬如敗船如卧人無手足如覆舟不起者皆敗軍之氣擊之必克

軍上氣上大下小者士卒日減軍十日無氣發者其軍必敗十日無氣而忽有赤白氣乍出即滅者外欲戰而實欲退散黑雲氣如壞山墮於軍上名曰言頭之氣其軍必敗散怯弱可擊

勝兵氣上與天連或如火光或如山堤上有林木或如埃塵粉沸其色黃白或旌旗無風而颺揮勢

指敵或白氣粉沸或如人持斧指敵或蛇舉頭向敵或如塵埃前卑後高或如牛馬頭低尾昂或如旌旗如鋒刃向人或如人牽牛或如乳虎或如匹帛或如覆舟或氣似堤覆前後皆白此皆雄兵猛士之氣不可擊若在我軍上急戰大勝

軍上氣黃白濁澤重厚者勝軍上發黃氣將士精勇不可擊若在我軍上可勝軍營上有黃赤氣上連於天者不可擊軍上有五色氣上與天連此應天之軍不可擊軍上氣上小下大其君事日增益管窺輯要

卷之五十四

五

不可擊軍氣遙望如鬪鷄赤白相隨在雲中得天助不可擊軍上氣上銳其色黃白圍而澤者其將勇猛士卒能戰

雲如日月有赤氣繞之似暈狀有光所見城邑不可攻雲氣如伏虎居上或華蓋或如杵形向外或如赤馬或如山皆不可攻

軍上氣如火光夜照人者軍士散亂軍上氣出而半絕賊一絕一敗再絕再敗三絕三敗在東發白氣炎深軍上赤氣炎炎降下士卒爲亂將死軍有

赤氣如雙蛇守日急往擊之大勝勿疑赤氣如火
光從天流下入軍軍亂將死

軍上氣蒼蒼須臾而散急擊之必勝若在我軍宜
嚴備固守軍上氣前高後卑者敗軍上氣蒼黑色
者士卒飢亂軍上有黑氣如牛馬形從霧氣中漸
漸入軍名曰天狗食血其軍敗散○雲氣如人頭
臨軍上大敗流血滿谷

兩軍相當十里之內三里之外望彼軍上氣高而
前後白青氣散者敗氣也急擊之雲氣如鷄兔臨
管窺輯要 卷之五十四 六

雲上者軍敗走雲氣蓋道蔽濛晝晦者飯不暇食
炊不暇熟宜急去之不然必敗○軍上氣黑面卑
如樓狀若不移必敗軍上氣黑而卑先青而漸變
黑者其將欲死散

軍之氣如燔生草之烟前雖銳而後必敗得便擊
之勝○黑氣臨營或聚或如鳥將宿者必有畏懼
心志不定終欲逃遁逼之大勝若我軍得之宜善
撫士卒有雲如鳥其出如蚩其國戰勝

敵上有雲氣如丹蛇者擊人勝有氣雲如尾在氣

霧中臨軍上者中人與外人通軍有白氣如死蛇
觸暈者軍有大驚宜備之日暈有氣如猪來臨者
將死兩軍相當不利先舉日暈旁有赤雲如懸鍾
其下將死白虹及蜺入營者敗至五列之日暈
日月暈有背氣所臨者敗軍上有白虹及黑蜺者
敗日暈氣薄惡及後至先去其下軍敗暈有四缺
外軍敗散日月暈與氣以先有喜者發先去者爲
敗

軍上日旁有虹蜺不可逆之得其逆宜徙去之降
管窺輯要

卷之五十四

七

氣如人十五五皆低頭又手或如人又手相向
或氣如黑山以黃爲線者皆降伏之氣也白雲如
鳥趣入屯營連絡不絕而須臾下者當有他國來
降
暴兵氣白如瓜蔓連結群相隊逐須臾罷而復出
或至八九而來不斷者有急賊卒至宜防之白氣
如仙人衣千萬連結部隊相逐罷而復興如是者
當有千里兵來宜備之

黑氣從彼來之我軍欲襲我也敵人吉且備之不

宜出戰敵還從而擊之必得小勝天色蒼營而有紫氣依于文日數內無風雨則所發之方必有暴兵日克時則凶時克日則自消散此氣所發之方必有使告急一人來則氣一條依數計之若散滿一方則有衆來依日干支數內有風雨則消氣如人持刀盾或有雲如坐人赤色所臨城邑有碎兵至驚怖須臾去赤氣如人持節兵來未急雲如方虹或如赤虹其下有暴兵雲氣如旗其下有暴兵起

管窺輯要 卷之五十四

雲如虎躍如人形色白如倅者暴兵起○雲氣如人行止而不明有暴兵白氣如練竟天有暴兵敵氣上有雲下赤兵必至有雲如人列陣天下兵起○白虹所出必有暴兵流血赤雲如火所向兵起雲氣如匹布着天經丑未至天下多兵赤者尤甚白雲氣廣五六尺東西竟天天下兵起○日出沒時有白雲氣如匹布着天西行長或竟天或十餘丈有聲者天狗也見則兵大起

雲如狗四五相聚兵起○有雲如豹四五枚相聚

其國兵大起

四方清明無雲獨赤雲赫然者所見之地兵起獨有黑雲極天名曰天清兵起雲半天兵半起三日內有雨則災解壬子曰候四方無雲獨有雲如旌旗其下兵起若徧四方天下兵盡起雲氣一道上白下黃或白如匹布長數丈或上黃下白如旗狀長二三丈氣純赤而委曲一道如布帛皆爲蚩尤旗見則大兵起

伏兵氣如赤杵在烏雲中或如幢節住烏雲中或

管窺輯要

卷之五十四

九

如烏在赤雲中或有黑氣渾渾圓長而赤氣在其中或白氣粉沸起如樓狀其下有伏兵不可輕擊若軍行近山林坑谷之間須當防之既是伏兵之地而又有此氣者有伏兵無疑雲紛紛綿綿相交似蒿草長數尺者此以車騎爲伏兵雲如布席之狀似蒿草長數尺者此山林步卒爲伏兵○黑雲出營南賊逃我後有伏兵謹候察之

兩軍相當有赤氣者伏兵之氣若前有赤氣則前有伏兵後有赤氣則後有伏兵左右亦如之審察

之則知其所在黑氣變赤及日形如山者有伏兵
雲如山林有伏兵
前有黑雲後有白氣者有伏兵軍中有黑氣色大
起而有赤氣在其中者皆伏兵氣也宜審察之不
可輕擊
戰氣如無頭死人卧如丹蛇赤氣隨之必不戰死
將○四望無雲獨有赤雲如狗入營所下有流血
○四望無雲獨見赤雲如赤蛇如覆船其下大戰
赤虹或屈見城營上其下大戰流血赤虹屈旋停
管窺鞞要

卷之五十四

十

住其下流血白氣如車入北斗中轉移者下有流
血大將戰死

雲如畊龍其下有兵大戰四五六白虹見者有大
戰日旁有白氣如虹兩軍相當必戰無軍兵起日
有白氣如虹交見者從上擊下者勝無軍兵起兩
軍相當必交戰

日暈一缺萬人死其下兩軍相當不利先舉○日
暈有赤雲蔽之如大杵軍在外萬人戰死其下兩
軍相當不利先舉

蒼白雲氣經天其下有拔城大戰○月初滿而蝕
有軍必戰○赤氣如漫漫血色有大戰流血
陰謀氣而群行徘徊結陣來者他國人來欲圖謀
也不可應視其所往隨而戰之可得黑氣如幢出
於營上上黑下黃敵來求戰而無誠實言行相反
九日之內不覺備之吉黑氣臨我軍如車輪敵人
謀亂國有小臣勾引宜明察之黑氣遊行中含五
色臨我軍上敵人有謀合伐我宜備之黑氣如引
索來如陣前銳者有敵謀

管窺輯要

卷之五十四

十一

天陰沉不雨晝不見日夜不見月星三日已上者
陰謀也將軍宜慎左右及敵使五日至七日有謀
敵人主奪將權亦爲刑殺事起有篡逆事連陰十
日亂風四起欲雨不雨其名曰濛爲臣謀君天降
沉日月俱光無有雲降之而不雨此爲君臣俱有
陰謀兩敵相當則陰相圖若晝陰而夜月出則君
謀臣夜陰而晝日出則臣謀君日月濛濛無光士
卒謀內亂將軍宜循法度察有功自明致嚴勿同

婦人謀議

堅城氣正白如旌旗或白氣如粉旗而赤界其邊
或氣出於外如火烟皆可攻城上黑雲如星名曰
軍精圍之者宜急解去有兵突出客敗白氣從城
中南北出者不可攻赤雲或黃雲臨城城中皆大
吉

青雲從軍城中南北出者城不可攻城上有雲氣
青色如牛觸人升向者不可攻城中有氣出東其
光黃此天城也攻之者死白氣中出青氣外入反
復回還軍不得入城城疊氣出於外如火者主人

管窺輯要

卷之五十四

十一

欲出戰其氣無極不可攻城上氣如雙蛇舉首向
外前卑後高者不可攻有赤氣從城出向外者不
可攻有赤氣從城上出者內兵出宜備之

攻城諸氣從城中出而入我軍者敵家壯氣也客
宜備主人濛氣繞城而不入城者外兵不得入○
月暈有青氣從中起四出者圍中勝

屠城氣出赤如飛鳥散亂或赤氣如敗車或赤氣
如狸皮斑及正赤色或雲如衆人頭赤色者皆敗
亡之氣城上無雲氣士卒敗散城營上氣灰色出

而東可攻出而西可降

城上飛如死灰色及上下出者可攻一曰攻城圍
邑其氣如灰出還覆其軍上者人多病城可屠氣
出復入者人欲逃避攻城圍邑其城上營下氣聚
如樓外見者攻之可得城中氣起而上正赤氣者
可屠攻城圍邑城上氣色如灰謂之灰城可屠城
氣如雙蛇前高後卑者可攻
赤氣在城上黃氣四面繞之城中大將死其城降
城上氣出而高無所用日久長氣從城外入者
管窺輯要

卷之五十四

十三

可攻白氣如蛇來止敵城上者急攻之少緩則失
之若從其城來指我營急宜固守勿攻白氣繞城
而入之者隨所入急攻之緩則失之若氣從城來
止我營則宜歛兵固守雲氣而雌雄臨營陣其下
必有降者

城中有氣出前高後卑或上大下小者皆敗氣也
濛氣圍城而入城者外兵入城攻城若不雨濛霧
亂至客兵勝有氣而反頭內向者城可攻屈虹從
外入城中三日內城可屠日暈重而有白虹貫日

圍城客勝

軍城氣候雜占

凡初出軍日天氣昏漠雲氣沉陰寒慘者必戰若清明和暢風塵不動者不戰

凡出軍向東伐而有白雲從西來因隨而擊之勝有赤雲或青雲從東來迎者急宜退守他倣

此

凡對敵在東方白雲東方去而又有雲東來相逆須臾過者雲已去而又有風隨之望之有龍虎之

管窺輯要

卷之五十四

四

狀不可戰若我軍得之戰必大勝雲難逆而逆者不可戰

兩軍相當平且視其所向甲乙日有白雲丙丁日有黑雲戊巳日有青雲庚辛日有赤雲壬癸日有黃雲皆不可動兩軍相當赤雲氣加西方客勝加北方客勝加東方不戰加南方軍還他色倣此

凡遇四方盛氣不可向之戰甲乙日青氣在東方丙丁日赤氣在南方庚辛日白氣在西方壬癸日黑氣在北方凡戰得此者勝向之者勝

凡天見五色雲氣望東西南北至子午卯酉若百步千步一丈十丈百丈如車道與北辰相克者大戰不相克者不戰王氣所臨有天命兵強相氣所臨者疾病死喪饑荒破敗囚氣所臨破國降伏休氣所臨兵罷無功士卒散亡

天有青氣入宮兵弱驚赤氣入宮兵暴驚黃氣入宮兵和鮮白氣入宮兵強黑氣入宮士卒大疫一日相殘

凡有雲氣橫來者兩軍不合急先伏止當有遁將

管窺輯要

卷之五十四

十五

凡出軍有黃氣臨兩軍向東戰凶向北吉

凡軍行有白氣如虹軍大驚宜備之赤雲氣臨軍

上東西陣者敗赤雲隨日赤者軍行有憂

軍出欲知賊得否赤氣前行有黑氣隨之赤氣滅

賊可得若赤氣獨行無黑雲氣隨者賊不可得黑

氣如死人頭上營敵人有所獻且求降許之不許

必戰功雖成而士卒多死來挑戰或襲我我必墜

守經月敵必自離離而戰大勝黑氣如龍虎如蛇

如牛頭變化者夷兵欲欺中國謹防之

凡攻城有黑雲氣臨城者積土固險之象黑氣水之氣城池之象也我據城敵不可攻敵據城我不可攻

凡圍城平旦視圍上氣鬱鬱如火光芒勢翕翕然者其方救至無者救不至受圍者望外救以是古之

兩軍相當彼軍上有雲氣狀如匹布長數丈其下色黃白必有叛軍昏見在臣夜見在兵○黑氣遊行中含黃氣在我軍有急令徵兵不至士卒恐懼

管窺輯要

卷之五十四

七

人有逃心宜改軍吉○氣如引索如陣前銳白黑色者有謀青色有兵來赤色有反兵黃色急去○雲如蛟龍所見處將軍失魄圍城邑有雲如鶴尾來陰圍上三十日亡○軍上有氣上黃下白名曰喜氣所臨之軍欲退而求和也

風雨氣

風雨氣如魚龍行其色蒼潤或黃氣蔽日昏慘或如積土或累盆黃色潤厚朝東夕西壓日或掩之

皆風雨之氣也朝視日上有黑雲氣霧壓日日光
旁射其色慘淡黃白者其日有風雨晚日若入有
之則夜有風雨雲氣如亂穰大風將至視所從來
占之雲甚厚而潤大暴雨至○四始之日有黑雲
氣如陣厚重而潤多雨○日始出有暈氣如車蓋
在日上者其日雨○日上下有黑雲氣如蛟龍者
必有風雨○雲氣如黑蛇沖日其下有大雨水倉
北氣入北斗多大風月初生色黃多晴色青多雨
色潤白者大雨○黃雲氣蔽北斗明日雨白雲掩
管窺輯要

卷之五十四

七

北斗三日雨青雲氣掩北斗五日內雨○天無雲
而斗上下獨有雲五日內大雨○日入後有白光
如氣自地至天直入北斗所歷星皆失色其夜必
有大風○辰星出氣長一丈大雨水○太白出氣
長數丈多風雨所處兵起

雜雲氣占

黑氣如大道一條長而明不見頭尾竟東西者不
過三朔大赦天下○青氣一條廣五六丈東西竟
天下有大喪○黑氣如群猪羊或如群魚四夷不

順○赤氣如傘蓋覆軍上千里內戰之慶千里外
憂○赤氣如火影見者臣叛君不過三朔○赤氣
如龍蛇在山頭住又如夜火光者臣離其君主不
安爲客所傷人民流移遠去其鄉○赤氣覆日而
光大旱民流千里○黑氣如牛頭龍虎蛇變化民
有疾病流亡不宜乳婦夷狄欲欺中國宜察讒間
黑雲氣南北陣有大水國有憂○黑雲氣東西陣
君有憂若天氣蒼落而黑雲氣東西極天移日不
動者其憂深此氣以戊巳日見者君惡之○白雲

管窺輯要

卷之五十四

氣極天南北陣國有憂雲氣如匹布西南行其國
君長有憂○白雲氣如舞來往空中淒風送之大
雪將下○雲氣赤黃色四塞經日竟依照地者大
臣縱恣○雲氣昧濁賢人去小人在位○雲氣如
日月暈赤色其國有兵青白色其國大水○日出
沒時有雲氣橫截之白爲喪赤爲兵黑爲驚三日
內有雨則解氣上風下殺若水皮春黃夏白四季
黑秋青冬赤是謂亂國之氣黃黑之氣數道皆如
匹布貫日其間道有白雲如魚鱗者有刺客雲如

匹布城國都中其國有憂○雲狀如龍行其國大水人流亡雲如人相揖兵起民流雲如巨魚疾行中天其色蒼黑有大風大水災雲如人立或如山牛邊城圍雲氣如牛車相隨有大水赤雲如牛無角三日內有大雨不出三十日北夷兵起○天無雲而有氣自廟中出兵起國亡殿庭中氣出如霧君以憂死雲溷溷如土色土工興○凡陣雲如立垣朽軸轉而頭銳灼雲如繩若前亘半天其蟄者類其鈎雲勾曲皆以五色占之若澤若密其見動管窺輯要

卷之五十四

十九

人必有兵起軍在外則戰

九土異氣

海旁蜃氣象樓臺廣野氣成宮闕嵩嶽三河氣正赤自華以南風氣上黑下赤恒山之北氣青江漢氣如杼渤海之間氣至黑江漢之間氣正白東海氣如箕簋河水氣如引布濟水氣如黑純淮南氣如白羊一曰如帛渭水氣如狼白尾少室氣如白兔青尾東夷氣如樹恒山氣如黑牛青尾南夷氣如閨臺或如舟船旗幡西夷氣如室屋北夷氣如

群牛如窮廬韓雲如四布周雲如車輪秦雲如行人衛雲如大魏雲如鼠齊雲如絳衣越雲如龍蜀雲如困宋雲如車吳雲如日當其地而見者不占

軍陣異氣

雲氣如三四匹帛前廣後銳此大軍行氣也○軍陣氣乍高乍小徃徃如聚騎氣卑如布卒氣惰前高後卑者疾前方而後高銳而卑者其行徐前高後卑者不止而返校騎之氣正蒼黑長數百丈遊兵氣如彗掃長數百丈無根本喜氣上黃下赤怒管窺輯要

卷之五十四

二十

氣上下俱赤○憂氣上下黑土工氣黃白移徙氣白

候氣法

凡候氣之法氣初出時若雲非雲若霧非霧彷彿若可見初出森森然若在桑榆之上高五六尺者是千五百里外氣也平視則千里舉目望則五百里仰瞻中天則百里內平望桑榆間則二千里登高而望下屬地者三千里

凡候敵上氣在東方日出候之在南方日中候之

在西方日入候之在北方夜半候之欲知我軍常以甲乙日及庚戌午日亥日未日及八月十八日去軍十里登高望之但百人以上皆有氣也凡氣欲似旣上歛氣勃然上升積結成形而後可占氣不積結散漫不定不能爲災祥須知雜殺氣森森然乃可論凡軍城上氣安則人安氣不安則人不安氣盛則衆盛氣衰則衆衰氣散則衆散凡氣得王相色吉林囚死絕凶一曰氣高勝下厚勝薄實勝虛長勝短澤勝枯

管窺輯要

卷之五十四

三

凡占災祥先推九宮分野六壬日月不應陰霧風雨乃准凡候氣常以平且下晡日出沒時蓋氣多假日月光曜照之而成形故暈耳抱背皆出日月之旁虹蜺想象莫不因日而見故晝候日旁夜候月旁耀光所燭無得而隱矣凡氣見近三日遠七日內有風雨則災不成故曰風以散之雨以解之

管窺輯要卷之五十五

六安黃 鼎玉耳父篆定

男九命簡臣

侄九錫公位

九疇倫叙

九如眉介

侄孫珮琢成

呵先鳴

桐城方兆及子詒全閣

管窺輯要

卷之五十五

天子氣



天子氣

六安黃

五十五

宋志曰凡天子氣內赤外黃或赤雲如龍或如龜
鳳人虎有五彩或宮氣如龍馬雜氣冲天皆帝王
之氣也○范增與項羽在鴻門使望沛公其氣冲
天五色相繆或似虎似人此非人臣之氣也

朱文公曰天子氣如城門高樓困倉兮森森然常
帶殺氣○宋志曰或如城門或如高樓又如萬石
倉隱隱在氣霧中常帶殺氣森森然○兵書曰天
子氣五色如山鎮○晉書曰天子氣五色多晨昏
見或內赤外黃或如華蓋在霧中或如千石倉在

管窺輯要

卷之五十五

霧中常帶殺氣四方所發之處必有生者天子欲
遊往處其地亦先發此氣○隋書曰天子氣上達
於天以旺相日見

朱文公曰氣如青衣人垂手在日西帝王起德遊
幸之符瑞○宋志曰如人垂衣在日下爲天子之

氣五色相繆或似虎似人此非人臣之氣也

朱文公曰天子氣如城門高樓困倉兮森森然常

帶殺氣○宋志曰或如城門或如高樓又如萬石

倉隱隱在氣霧中常帶殺氣森森然○兵書曰天

猛將氣

猛將氣



管窺輯要

卷之五十五

三

宋志曰如龍如虎在殺氣中爲猛將如無所動必有暴兵起京房曰猛將及暴兵氣如獸在殺氣中晉書曰猛將氣其黑如山林竹木○京房曰猛將之氣內白而赤氣繞之若敵上氣有如雲變作山者不可擊如在吾軍上速戰之大勝○隋書曰猛將氣其色赤上與天連軍中必有賢將○朱文公曰猛將之氣勃勃如火烟內白而赤氣繞外如敵上氣中黑而赤氣在前將勇不可當○宋志曰氣發漸漸如雲變作山形將有深謀或氣白如粉

紫如圍倉白日愈明為猛將氣

宋志曰有蛟蛇氣在吾軍上戰必大勝乙巳占曰
氣如蛟蛇者其將猛○抱朴子曰猛將之氣如火
勢張弩晉書曰猛將氣如門上樓上赤下黑○朱
文公曰氣黑赤如旗舉並為勇將強卒亦主深謀
遠慮此氣在敵上不可擊在吾軍速戰吉

管窺輯要

卷之五十五

四

軍勝氣



軍勝氣



軍勝氣

軍勝氣




軍勝氣



軍勝氣



軍勝氣



京房曰有雲如鳥其狀如飛去見處戰必大勝宋志曰氣如飛鳥徘徊其上或來而高者兵必精銳見之軍大勝四方有氣如赤杵在雲中或如赤人在烏雲中兵起民流或雲粉沸如樓而赤氣繞之或敵上有赤黃氣上連於天或雲飛如華蓋在敵上俱不可擊在吾軍大勝氣如引索在陣前銳或一二或三四黑色有陰謀青色有兵赤色飢黃色急去在吾軍急擊而勿畱在敵上急去而勿擊○

管窺輯要

卷之五十五

五

朱文公曰烏雲與赤氣相隨凡有此氣主將卒精悍若臨我軍急擊之勝

朱文公曰或如鬪雞赤白相隨在軍氣霧中得天之助不可擊又主將士精勇

宋志曰氣如五馬頭低尾仰者勝或如虎豹伏其軍難攻

又曰敵上有雲氣如人牽牛不可攻如在吾軍上戰勝

又曰氣如人持斧向敵戰必大勝或氣如旌旗無

風而颺指揮者我兵隨指攻之必勝又曰如旌旗如絳向人勿與敵

又曰氣或如蛇舉首向攻者軍大敗

又曰氣如覆舟不可攻若在吾軍戰必大勝○京

房曰敵上氣如布帛者此雄軍之氣不可當若在

吾軍上必大勝○開元占曰氣如堤坂林木而前

後摩地主軍士銳勇不可擊若在我軍上戰必勝

○隋書曰氣如堤以覆軍上前赤後白急擊之大

勝

管窺輯要

卷之五十五

六

軍敗氣

軍敗氣

軍敗氣


軍敗氣



軍敗氣



軍敗氣



管窺輯要

卷之五十五

開元占曰敵上氣如敗車徘徊不起者主敗又曰
 如擊牛馬如壞屋如席捲布帛亂攘皆為將敗之
 徵○宋志曰敵上氣如馬肝色如死灰皆為將敗
 雲如蓋道蒙蔽晝冥者飯不暇食炊不及熟而急
 去黑氣如壞山墮軍上及營頭其軍必敗氣如塵
 勃勃然如火烟軍敗又曰敗軍之氣如燔生草之
 烟前雖銳後必敗敵上雲氣如枯蓬轉者急擊之
 如在吾軍上不可出戰氣出而半絕者軍欲敗漸
 盡者走一絕一敗再絕再敗三絕三敗兩軍相去

里以望彼軍上氣高而前白後青者攻之可勝
氣如揚灰敵必敗走赤氣從天流下入營兵將自
亂死或氣發連夜照人軍士必散雲如覆舟車蓋
如敗決垣堤者皆爲敗兵之氣或乍見乍沒乍聚
乍散如霧始起此衰氣也在敵上必敗
宋志曰或白氣如群鳥入屯營連結百餘里徘徊
不絕須臾不見必有他國來降又曰氣如群鳥亂
飛殺氣也○開元占曰敵上氣入群鳥亂飛此衰
氣也疾攻之大敗

管窺輯要

卷之五十五

八

宋志曰氣或類偃魚或類偃蓋皆爲敗將

又曰或如群羊如群猪在於氣中爲敗軍之氣

又曰或如牛馬在氣霧中漸漸入軍者名曰天狗

下食血其軍必敗

開元占曰雲如鹿駭相逐者爲敗氣

宋志曰雲如雞兔臨營上者其軍敗走

又曰雲如雙蛇之委曲者爲敗氣

又曰雲氣如人形無頭或如死卧或如人頭臨軍

上者其下大戰流血京房曰氣如人頭臨陣中戰

不勝流血積溝渠開元占曰敵上氣如人辭無子
 足者軍必敗
 宋文公曰雲氣或如人又手而頭低不但將敗且
 死亦且降退逃歸
 宋志曰或如人十五五又手低頭又如又手相
 向此軍來降之氣也

管輅輯要

卷之五十五

九

城堅氣



京房曰凡攻城有雲青色如牛頭觸人者不可攻城上氣如烟火主人欲出戰無極者不可攻城上氣白如旌旗者勝若赤氣界之不可攻城上氣濛人不相覩不可攻朱文公曰雲青黃臨城而城喜色青白中出勿攻氣濛而人不相見可速引去而遠屯此皆城勝之氣不宜修櫓輶韞宋志曰青雲臨城有喜慶黃氣尤嘉凡白氣從城中南北出者其城不可攻如白氣從城中出青氣從北入往返回環向軍不可入濛氣繞城不入者外兵不得入

管窺輯要

卷之五十五

十

凡攻城有晦氣從城中出入吾軍者爲敵堅氣也不可攻或雲氣如雙蛇不可攻或有雲分爲兩彗攻之不可得甲乙日平旦有白雲丙丁日有黑雲戊巳日有青雲庚辛日有赤雲壬癸日有黃雲俱爲城勝之兆不可攻圍城若雷雨過旬速去之勿攻隋書曰如攻城過旬雷雨者其城有輔疾去之勿攻

宋志曰日暈而有青赤氣從中起四出者圍城內兵勝城中有黑氣如星曰軍情內兵突出以戰客

敗京房曰赤氣如杵形從城中向外者內兵突出
主人戰勝不可攻

管窺輯要

卷之五十五

十一

屠城氣

屠城氣

屠城氣

屠城氣



宋志曰雲如立人五枚或三牛在城上其城可剋
又曰重暈而白虹貫日圍城客勝○乙巳占曰日
暈有雲如虹貫日圍城客勝城可磨○朱文公曰
攻城見日色無光爲日死若雨霧濛或風至其兵
必勝衣黑衣綠衣城墜史記其知然許慎曰日暈
朱志曰雲氣如雄雞臨城其下必有降者城上有
雲如衆人頭赤色下多流血又曰赤雲氣如飛鳥
如敗車城可攻急攻之破矣

乙巳占曰氣如虹從外入城中者主三日內城可
管窺輯要

卷之五十五

七

屠宋志曰有雲氣白色如蛇來堵城其城可急攻
少緩則失

朱文公曰氣如死灰其城可剋赤氣臨城而黃氣
四繞則將死臣降氣聚如樓出見於外則攻之可
得或赤黑之氣狀如狸皮斑其城破將敗或有氣
出而復入皆屠城客勝之徵智將勿疑而急擊之
○京房曰攻城圍邑城中氣積如樓出見外者攻
之可得雲氣或上赤下白色者可攻○宋志曰濛
氣圍城而入賊者外兵得入白氣繞城而入賊者

隨所入急攻之不宜緩也其氣東出城可以其氣
西出城可降或氣出而壯皆為可尅其氣出城而
復入城中之人欲逃亡城上若無雲氣士卒必敗

管輅神要

卷之五十五

十三

伏兵氣

伏兵氣



京房曰兩軍相當有赤氣者伏兵之氣若前赤伏兵於前後赤伏兵於後左右皆同審而察之則知伏兵所在

朱文公曰雲綿綿絞絞今車騎潛迹如布席蒿草今步卒匿影或雲如山嶽在外或前烏後赤白相鄰此氣所在見伏兵藏而莫聞

宋志曰氣粉沸如樓狀其下必有伏兵軍上有黑氣渾渾員長赤氣在中其下有伏兵

管窺輯要


卷之五十五

十四

皆有伏兵
宋志曰或如赤杵在烏雲中或如幢節在烏雲中其下必有伏兵

藏此氣也

暴氣



暴兵氣



暴兵氣



暴兵氣



管窺輯要

卷之五十五

十五

京房曰四方無雲獨有赤雲如虹或如狗如覆舟
其下流血兵戰

宋志曰雲如方暈赤虹或如狗四五相聚皆為暴
兵之氣或如丹蛇赤氣隨之或如立蛇其下必有
大戰殺將流血

又曰天有白氣如疋布經丑未或長六七丈東西
亘天皆為天下多兵起赤者尤甚青者有大喪凡
暴起白雲如瓜蔓或白氣如仙衣千萬連結部隊
相逐罷而復興及至八九來而不斷防賊卒玉有

千里兵來宜固防之敵欲來者其氣上有雲有霧
零中天而下吾陣敵必至黑雲從敵上來我軍上
敵欲來襲我宜備不宜戰天色蒼茫而有此氣依
舊支干數內無風雨則所發之方必有暴兵日尅
時則凶時尅日則日消散四方望無雲獨黑雲極
天天下大兵起又曰有雲如胡人列陣天下兵起
又曰雲如人行止不崩或如人行如艾虎並爲賊
兵暴起

又曰有雲氣如赤杵爲暴兵之氣赤雲如火者所
管窺輯要

卷之五十五


六

向兵至

朱文公曰暴兵之象赫氣赤○又曰赤雲如旌旗
或四方遍滿有賊兵暴至
宋志曰有雲如人而赤色所臨城邑有卒兵至主
驚怖之事或如人持刀盾者賊兵暴起赤雲如人
持節者兵來不息

猶如來雲宜備不宜戰天出雲霧而亦此象也
雲中天而不雲輒漸及至黑雲爲端上來是軍士



戰陣氣



戰陣氣



戰陣



管窺輯要

卷之五十五

七

朱文公曰赤氣如傘蓋覆軍千里內戰則有慶氣
青白如膏則大戰將勇

宋志曰赤雲如屈旋停住或如覆舟其下大戰流
血又曰初出軍天氣昏漠雲氣陰沉寒尅者必戰
若清明溫和風塵不動者不見敵亦不戰

開元占曰雲如耕龍兵必有驚○宋志曰白氣如
單入斗中轉移者其下有戰流血將死

木文公曰日或一缺四五白虹為交兵大戰○宋
志曰日旁有一缺氣萬人死又曰白虹見主大戰

未文公曰日有白氣如虹而交見者從上擊下

管窺輯要卷之五十五終

管窺輯要

卷之五十五

六



六安黃正鼎瑄耳父纂定

任九錫公位

九疇倫敘

九如眉介

桐城方兆及子詒全閱

雲氣

周禮祗禋氏掌十輝之法以觀妖祥辨吉凶一曰

禋謂陰陽五色之氣浸淫相侵或曰搃珥背璫之

管窺輯要

卷之五十六

屬如虹而短是也二曰象謂雲氣或形象如赤鳥

夾火之類是也三曰騰謂日旁氣刺日形如童子

所佩之觶也四曰監謂雲氣監臨在日上也五曰

闇謂日月食或曰光也六曰膏謂膏膏不光明也

七曰彌謂虹蜺彌天而貫日也八曰序謂氣如山

而在日土或曰冠珥背璫重疊次序在於日旁也

九曰隳為暈氣或曰虹也詩所謂朝隳於西者也

十曰想謂氣五色有形象也青飢赤兵白喪黑憂

黃熟或曰想思也赤氣為人獸之形可思而知其

吉凶也

瑞氣

一曰慶雲一曰輕雲若烟非烟若雲非雲郁郁紛紛蕭索輪囷是謂慶雲一曰景雲此喜氣也太平之應一曰昌光赤如龍狀聖人起而受命則見

妖氣

一曰虹霓日旁氣也斗之亂精主惑心主內淫主臣謀君天子黜后妃二曰祥雲如狗赤色長尾見則為亂為兵喪一曰赤雲其狀如狗或二三或四管窺輯要

卷之五十六

二

五相隨而行所見之國有大兵

日月旁氣

一曰冠青赤氣曲覆日月之上為冠冠者冠帶之象也天子當立侯王封建親戚以為藩屏白為喪純赤為兵天文志曰赤青氣抱在日上小者為冠見則國有喜事

二曰戴青赤氣橫在日月之上隆隆微起為戴戴者德也國有喜也一曰氣立在日上為戴其分當有益土進爵推戴之事五色鮮明潤澤則吉純青

爲憂純赤爲兵白爲喪黑爲疫天文志曰戴者影如直狀其上微起瑞應圖曰人君德至於天則日有戴氣

三曰珥青赤氣圓而小在日月之旁爲珥黃白者有喜在日土爲戴石氏曰兩旁有氣短小中赤外青其名曰珥珥者似耳在兩旁也有軍日有一珥爲喜在日西西軍戰勝在日東東軍戰勝南北亦如之無軍兩珥爲拜將

四曰抱氣青赤彎曲向日爲抱抱者扶抱向就之管窺輯要

卷之五十六

三

象日月有抱他國有來降附者亦爲有子孫之喜氣向日月如暈狀而短爲抱抱多來親附者衆多也日旁氣如半環向日爲抱臣下忠誠輔主之象兩軍相當得抱者勝

五曰背青赤氣而曲外向者背叛乖離之象青赤氣如日初生背日者謂之背見則有反者兩軍相當背之方敗

六曰璫青赤氣曲向外中有橫枝欲似山字曰璫缺傷之象也一曰形如帶璫在日四方又曰如弓

形而有牙其占爲君臣不和上下傷缺兩軍相當
所臨者敗瑞者決也臣下急地形如背後小而鈞
爲瑞見則有反者

七曰直青赤氣長丈餘正立日旁曰直其分有自
立爲王者又曰短爲珥長爲直青赤氣長而立日
旁爲直旁有一直敵在一旁欲自立從直所擊者
勝日旁有一直三抱欲自立者不成順抱擊者勝
殺將

八曰交青赤氣狀如兩立相交在日月上下左右

管窺輯要

卷之五十六

四

曰交交者滯滯之氣也主有滯行者交氣見恒以
八月上丙日候之日旁有交青雲其下有兵日旁

有兩氣相交或相貫穿或相問背皆爲天下大兵
起赤爲內亂軍不和

九曰提日月四旁有赤雲屈曲如鈞向內有牙出
之名曰四提如珥珥而曲長不出其年兵起主者
死亦爲亡地有自立者一曰氣形三角在日月四
旁爲提日暈而提向外外臣叛向內內臣叛荆州
占曰日旁有四向雲曲而向日四方曰提見則有

自立者

十曰纓青赤氣小而交於日下爲纓

十一曰紐青赤氣兩邊交曲而雙垂爲紐一曰青赤氣小而圓或一或二在日月上下左右者爲紐見則人君納寵妾纓紐同占

十二曰承青赤氣如半暈在日下爲承承者臣承君也日月下有黃氣二三重若抱伏曰承福生有吉喜則得地

十三曰履青白或青赤如履在日下者爲履一曰

管窺輯要

卷之五十六

五

青赤氣立在日月下爲履皆喜氣也一曰日下有赤黑氣如履謂之履天子有喜外國有來歸者

十四曰格青赤氣橫在日上下爲格格者閉之占爲兵戰

十五曰戟青赤氣長而斜倚日月旁爲戟戟者戈戟相傷之象其占爲兵起

十六曰暈圍氣周匝圍繞日月內赤外青其名曰暈有軍在外則爲軍營之象對敵有暈厚而鮮明人者勝在東東暈勝在西西軍勝南北亦如之若

周環匝日而無厚薄則敵與我軍勢齊等也無軍
在外而暈者天子失御人民多叛日月皆暈戰不
合兵凡日月暈七日無風雨則兵起日暈有兵在
外者客勝日暈而明有兵兵止無兵兵起不戰凡
兵發而日月暈有厚薄得其厚及漸滅而留者勝
十七日負青赤氣如小半暈在日上爲負負者抱
之類也如抱而短小見則人主得地爲喜

日旁氣占

日暈五色有喜五色再重天下大喜不得五色國
管窺輦要

卷之五十六

六

有憂

日有黃暈風雨以時物賤人安黃暈再重公卿不
職工役煩興不出一年穀傷兵起

日有青暈不出其旬有大風大寒穀大貴民疾疫
一歲再見穀貴二倍五見貴五倍大飢青暈再重
不出六十日兵起一曰外親戚族內亂王者憂下

地

日有黑暈大水傷五穀壞房宅糴貴十倍三旬乃
止一曰災在用事之臣黑暈再重內臣貪財不出

三句大水人流不出其年夏霜冬雷其下國大敗
日有白暈歲多暴風春霜雪民多病白暈再重所
見之國多風雨民不安穀貴不出九十日有急兵
日有赤暈其日有大雨震殺人畜且有大熱道無
行人赤暈再重所見之國有蝗虫百日旱穀貴盜
起赤暈三重兵大起四重五重天下兵起大飢人
主憂

日暈青黑女主憂

日暈中赤外青群臣親附外赤中青臣有外心

管窺輯要

卷之五十六

七

日暈黃濁黑潤動搖爲惡風雨不動搖爲有憂病
不則有暴惡之令日暈色青爲飢爲憂色赤爲旱
爲兵色白爲喪色黑爲水爲病色黃而潤爲喜爲
燥爲旱爲風

日暈再重其分有攻戰一曰其國有殃一曰天下
有立王不則有伐城京房曰有德之君得天下夏
氏曰日重暈攻城圍邑不拔日暈重中赤外青臣
有邪謀不成○日暈三重諸侯反兵起穀傷天下
憂期三年一曰有大兵拔城期三日有反臣一曰

國亂民飢兵起期三年止○日暈四重攻城圍邑
軍破有反相有亡國有死君○日暈五重有女喪
社稷受殃是謂棄光其歲兵飢國破亡○日暈六
重國政反常兵起國亡○日暈七重中國弱夷狄
強有急使至○日暈八重國人亂天子傷○日暈
九重天下亡○日暈十重天下兵荒人民惶惶改
立君王○以上各以其日辰及星宿國分占之其
均有厚薄者勝交暈居上者勝日有交暈人主左

管窺輯要

卷之五十六

八

石有爭有兵在外則戰而爭先戰不勝交暈貫日
其下有破軍死將客敗交暈抱日候其先滅之處
從其處攻之勝交暈如連環兩國爭地有亡國兵
在外則兩軍皆動暈十重天下兵起人主皆傷
日暈不匝暈所在兵勝在東東軍勝南西北亦如
之當其空面者敗日暈兩旁不合主謀不成日兩
旁暈相向者風稜五穀日半暈其國有相謀日半
暈如鼎蓋有欲請和親者○日半壘東南向西夷欲反入中國西北向東夷欲

及入中國日有暈暈民和歲吉以所宿命國
日暈如車輪之半軍在外者罷無軍在外則兵起
日半暈中央廣兩頭銳從有處擊無處勝
日暈如井幹如車輪其國皆有兵火
日暈先起而先滅者當其方者敗從匝而後滅者
當其方者勝

日方暈天下不和兵起其國破敗出而暈國休
日暈甲乙憂火丙丁臣不順戊己后族盛庚辛將
帥不利癸亥臣專政日以庚子日暈有政令正月
管窺輯要 卷之五十六 九

朔日日暈其分小熟春不可起兵日午暈歲大熟
日以正月若五月一月之中九暈以上道多熟死
入一月之中三暈軍分爲三日始出而暈國有死
君其大害也

日始出其上有暈如車蓋其日有雨
日朝有暈是謂失城有兵主人不利

日有珥人主有喜其日有風一曰女主戒之

日朝有珥純白爲喪間赤爲兵間青爲病間黑爲

水間黃爲喜

日朝有珥國主有耽樂之事不可行戰伐

日夕有珥赤黑白有大客有軍在外而日珥爲喜
兩軍相當軍欲和解珥所臨者喜在日東東軍勝
在日西西軍勝南北亦然敗處可知也無軍在外
而珥則爲敗將

日珥北方以及三方必有疾雷日左右有黃珥國
有敕令

日左珥人君有隕秘事右珥人君有重官婦人陰
事日右珥色赤黑夷人起邊邑有叛者

管窺輯要

卷之五十六

十

日珥而張人主有憂政於外日有兩珥且有大使
至日兩珥焰焰有光人主有喜日兩珥中赤外青
或黃白潤澤皆人主有喜日有交珥聚一方聚兵
皆起軍在外者罷
日有四珥天子立侯王赤爲有子孫喜不出三年
日出四珥將軍亡日入四珥有大兵
日朝五珥國憂兵起日有六珥是謂大提不出大
十日其分有喪若有赤雲掩日則其下有亡國多
珥臨日有兩有客來言北方事

日珥中有赤雲貫日名土死

正朔日珥兩軍相當兩珥相等無相奈何
日黃抱君得地日抱黃白潤澤中赤外青天子喜
有來降者軍在外不戰敵降軍罷色青將憂色赤
兵事色白有喪色黑將死

日三抱天子喜色赤黃白皆吉
日四旁各有重抱四方信服日旁抱五重戰順抱
者勝日旁有黑抱者戰勝無軍有欲和親者日有
兩抱齊等兩軍相當先消者敗同時而消則無勝

管窺輯要

卷之五十六

十一

賢

日旁有黃氣如人像者人主有賢佐

日有背其分有反城叛將邊將欲去善防之背多
反者多日四旁俱有珥背四方俱有反者

日有珥臣謀反日旁有一珥萬人死其下四珥五
珥反者如珥之數

日旁有一直有人欲自立從其所擊者勝

日旁一直一人欲自立四旁皆有直四方皆欲自

立者

日有黃直君立臣有青赤直臣自立其下黃白潤澤者成

日旁有交從交擊者勝

日有凹提不出其年有大兵大飢有大雨則災不成日六提布貴天下亂人主惡之

日冠而珥人主有喜且有所立一曰天子有私事在珥方

日平曉冠而有兩珥黃白潤澤天子有喜

正朔四日冠而有兩珥最吉日冠右珥邦西善人

管窺輯要

卷之五十六

十一

出爲佐日冠左珥邦東善人出爲佐一曰君與婦母祿相知

日冠纓上下邦南北方善人出爲佐

日抱有一珥色黃白潤澤中赤外青平旦至食時見天子有喜日中至日入時見色蒼白爲憂有外

來以喜告勿信

日珥外有抱人主子孫昌

日抱有兩珥天子有喜下有黃氣如月名曰遺德

太子喜

日重抱有珥在左右有來降附者

日抱三重有兩方珥色皆黃白潤澤天子戰勝外
兵敗者來降珥方者兵也抱珥順而爲喜

日多抱珥則國歡喜而和合日纓而珥後宮有喜
日戴而珥天子有賀喜子孫之事

日戴且冠不中正者名曰附中赤外青色黃且潤
澤天子有臣暴得寵者

日重戴左右珥天子得地若有所立

日兩珥有直出珥中中赤外青色黃白潤澤天子

管窺輯要 卷之五十六

十三

有誅謀旅喜

日一抱一背爲破走抱順而背逆順抱擊者勝故

曰破走無軍在外而一抱一背者臣不和

日背而內有瑠色中黑外赤大臣反天子憂亂從
中起

日有背瑠在日南及其三方國有反臣

日背瑠重累小人畧地大人爭時

日背瑠並出顛倒相貫天下作亂天子滅

日有四背瑠臣射主國內亂兵起

日背瑠有芒刺向外爲外勝向內爲內勝

日有二背一直大臣欲自立

日有背瑠四直交其中臣欲爲邪色中青外赤有芒刺爲逆中赤外青無芒刺爲謀此氣數見則國危日抱且兩珥一虹貫抱至日順虹擊者勝

日重抱左右兩珥有虹貫抱順抱擊者勝一虹得

一將二虹得二將

重抱有二日虹貫抱至日順虹擊者破軍二虹殺

大將一虹殺偏將

管窺輯要

卷之五十六

七

日有二直二抱欲自立者不成順抱擊者勝

日重抱左右二珥有赤虹貫抱順虹擊者得將二

虹得二將三虹得三將

日下有冠三重日下有直虹不出一年立故貴人

其年小熟有小兵天下安

日抱且背且瑠逆順相參抱多則順者多背瑠多則逆者多抱明而久背瑠不明而先滅則順勝以是推之凡有抱明而攻戰從抱擊之勝芒刺外則內勝芒刺內則外勝背瑠明而抱先去則忠臣受

效他倣此

日重抱抱內外有瑄且珥軍中不和不信以戰
順抱擊之勝亦曰軍中有反者
日犯兩珥且瑄二虹貫抱至日順虹擊者勝凡虹
貫日抱皆爲大獸流血

雲氣虹霓考驗

漢昭帝元平元年正月庚子日出時有黑雲狀如
炎風亂鬣轉出西北東南行轉而西有瑄亡占曰
有雲如衆風是謂風師法有大兵其後兵起烏孫
管窺輯要 卷之五十六

五

五將征匈奴

漢成帝永始二年二月癸未夜東方有赤色大三
四圍長二三丈索索如樹南方有大四五圍下行
十餘丈皆不至地滅占曰東方客之變氣狀如樹
木以此知四方欲動者

又一日有兩氣同時起並見明年十二月尉氏男
子樊並等山陽鐵官亡徒蘇令等俱同月謀反

漢哀帝建元元年正月丁未日出時有者天白氣
廣如一匹布長十餘丈西南行聲如雷一刻而止

名曰天狗傳曰言之不從則有大禍詩妖后民間
果興訛言

建平二年十二月白氣出西南從地上至天出參
下貫天廁廣如一匹布長十餘丈十餘日去占曰
天子有陰病

漢和帝永元十二年癸酉夜有蒼白氣長三丈起
天園東北指軍市見積十日占曰兵起明年遼東
鮮卑寇右北平

漢順帝陽加元年十月癸亥太白與歲星合于房
管窺輯要

卷之五十六

六

心太白在北歲星在南相離數寸光芒交接郎顛
以爲此以陰陵陽臣下專權之異且歲星出右年
穀不登宜審明堂布政之務然後妖異可消五緯
順序

陽加元年閏十月己丑夜有白氣廣二尺長五丈
從西方天苑趨左足入玉井數日乃滅郎顛上言
以爲將有羌寇畔戾之患宜責躬豫備以消妖氣
漢桓帝延熹八年五月熒惑入太微犯帝座
門不軌常道閏月庚辰太白入房犯心小星震動

中耀襄楷上言中耀天王也傍小星者天王子也
太微天廷五帝之座而令火罰星揚光王中于占
天子凶又俱入房心法無繼嗣

漢靈帝熹平二年四月辛未白氣如一匹練衝北
斗第四星占曰大戰

靈帝光和元年六月有黑氣墮北宮溫明殿東庭
中黑如車蓋起奮迅身五色有頭體長十餘長形
貌似龍上問蔡邕對曰所謂天投蜺者也不見足
尾不得稱龍易傳曰蜺之比無德以色親也後皇
管窺輯要

卷之五十六

十七

后何氏攝政二兄秉權卒起兵革之禍

先和元年七月壬子青虹見御坐玉堂後殿庭中
三國魏清河王經去官還家在堂戶前有一流光
如燕爵者入經懷中殷殷有聲隨解衣彷徨招呼
婦人覓索不見以問管輅輅曰吉遷官之徵也其
應行至頃之徵爲江夏太守

三國蜀先主章武二年六月有黃氣見自秭歸十
餘里中廣數十丈後十餘日先主有猊亭之敗

三國吳孫堅世仕吳家于富春塋于城東冢上數

有光怪雲氣五色上屬於天蔓延數里衆皆往觀
視父兄相謂曰是非升氣孫氏其興矣及母懷妊
堅夢陽出繞吳闈門寤而懼之以告隣母隣母曰
安知非吉徵也果生堅歷策權據有吳國尊謚爲
武烈皇帝

吳孫權赤烏十一年二月白虹貫日權發詔戒懼
吳諸葛恪一日所坐廳事屋棟中折自新城出作
東典有白虹見其船還拜蔣陵白虹復繞其車尋
爲孫峻所殺

管窺輯要 卷之五十六

晉惠帝永康元年十一月壬寅夜赤氣竟天隱隱
有聲

晉懷帝永嘉三年十二月乙亥夜有白氣如帶自
地升天南北各二丈

晉愍帝建興二年正月己巳朔黑霧着人如墨連
夜五日乃止近黑薊也四年帝降劉曜

晉安帝義熙七年七月五虹見東方占曰天子黜
其後劉裕代晉

後趙石韜居西宮爲秦公時起堂於大紂府號曰

宣光殿梁長十丈時東南有黃黑雲大如數畝稍
分爲三狀若匹布東西經天色黑而青西時貫日
日沒後分爲七道每相去數十丈間有白雲如鱗
子時乃滅韜素解天文見而惡之顧謂左右曰此
變不小當有刺客起于京師不知誰實當之是夜
韜譙其寮屬于東明觀樂奏酒酣愀然長歎曰人
居世無常別易會難各付一杯開意爲吾飲令必
醉知後會復何期而不飲乎因泣然流涕左右莫
不歔歔因舍于佛精舍爲兄宣刺客楊杯等所殺

管窺輯要

卷之五十六

九

後秦姚興時白氣出於北方東西竟天太史令任
倚言於興曰五百里當有破軍流血赫連勃勃乞
伏乾歸果作亂

南宋孝武帝初爲都督江州刺史文帝遣伐緣江
蠻建牙于軍門是時多不悉舊儀有一翁班白自
稱少從高祖五帝征伐頗悉其事因使指麾事畢
忽失所在有紫雲二陰于牙上
南齊武帝永明八年天忽黃色照地衆莫能解司
徒法豐王融上金天頌王摛曰是非金天所謂榮

光武帝大悅用爲永陽郡

南齊高昭劉皇后智容生時有紫光滿室后寢卧見有羽蓋蔭其上家人試察之常見其上掩靄如似雲氣及殂歸葬泰安陵門生王清與墓工始下掩有白兔跳起尋之不得及墳城兔還栖其上南梁武帝初爲齊雍州刺史時所住齊常有氣五色圓轉狀若盤龍季秋出九日臺忽暴風起烟塵四合帝所居獨白日清朗其上紫雲騰起形如繖蓋望者莫不異焉

管窺輯要

卷之五十六

二十

武帝中大通五年春正月庚寅丙夜南郊令解滌之等到郊所履行忽聞異香三隨風至及將行事奏樂迎神畢有神光圓滿壇上朱紫黃白雜色食頃乃滅

武帝大同十年春正月庚子帝謁建陵有紫雲蔭陵上食頃乃散帝望陵流涕所活草皆變色陵傍有枯泉至是而流水香潔

南陳武帝永定二年夏四月戊辰重雲殿東鴨尾有紫烟屬天

南陳宣帝太建五年二月乙卯夜有白氣如虹自
北方貫北斗紫宮

南陳後主禎明三年春正月乙丑朝會大霧四塞
人人鼻皆辛酸後主昏睡至晡時乃罷

北魏大統三年東魏竇泰頓軍潼關周文出師馬
牧澤時西南有黃紫氣抱日從來至西周文謂蔣
升曰此何祥也升曰西南未地主土土王四季秦
分今大軍既出喜氣下臨必有大慶于是與秦戰
擒之

管窺輯要

卷之五十六

主

北齊武成帝河清三年五月白虹圍日再重又橫
貫而不達赤星見帝以盆水承星影而蓋之一夜
盆自破帝殺樂陵王百年以厭之

北周庾季才字叔奕大定元年正月上言今月戊
戌平旦青氣如樓闕見國城上俄而變紫逆風西
行氣經云天不能無雲而雨皇王不能無氣而立
今王氣已見宜應天受命隨文帝從之

隋文帝開皇十九年雍閭牙山夜見赤虹光照數
百里天狗貫雨血三日流星墜其營內有聲如雷

隋開皇中楊素華陰冢上有白氣屬天蕭吉密言
丁帝曰素家當有兵禍滅門之象改葬庶可免乎
帝謂楊玄感曰公宜早改葬玄感以爲吉祥託以
遼東未滅不遑私家之事未幾而玄感以反族滅
隋獻皇后山陵西北雞未鳴前有黑雲方圓五六
百步從地屬天東南又有旌旗車馬幕布滿七八
里并有人往來檢校部伍甚整日出乃滅同見者
十餘人

隋文帝仁壽元年禿北有赤氣長百餘里皆如雨
管窺輯要

卷之五十六

三

足下垂被地謹驗兵書此名灑血其下之國必且
破亡

唐玄宗天寶十四載冬三月常霧起昏暗十步外
不見人是謂晝昏占曰有破國

唐肅宗至德二載正月丙子南陽夜有白虹四上
亘百餘丈

唐德宗貞元二年十一月壬午日沒有赤氣五出
於黑雲中亘天

唐憲宗元和十三年十二月丙辰有白虹闊五尺

東西亘天

唐文宗太和七年十月西方有白氣如柱者三

唐懿宗咸通六年正月白虹貫日中有黑氣如雞

卯

唐僖宗光啟二年四月有白氣頭黑如髮自東南

入於揚州滅

唐昭宗景福二年十一月有白氣如環貫日穿北

斗連太微

昭宗光化三年冬日有虹蜺背瑠彌旬日有赤氣

管窺輯要

卷之五十六

三

自東北至于東南

光化四年冬帝在東門武德門內烟霧四塞門外

日色皎然

昭宗天復元年八月西方有白雲如履底中出自

氣如匹練長五丈上衝天分爲三彗頭下垂占曰

天下有兵

五代晉出帝天福九年正月乙未大霧中二白虹

相偶四月

大霧中有蒼白二虹

宋太祖乾德三年七月己卯夜西方起蒼白氣長

五十丈貫天船五車亘井宿

宋太宗太平興國四年四月己巳夜西北有白氣
歷北斗

宋太宗至道二年二月丙子夜西方有蒼白氣長
短八道如彗帚稍經天漢參錯如交蛇占曰所見
之方主兵勝

宋真宗咸平三年十月辛亥黑氣貫北斗十二月
庚午黑氣長三丈餘貫心宿入天市垣抵帝座久
方散

管窺輯要

卷之五十六

十四

真宗景德元年七月辛亥黃氣出壁長五丈餘二
年正月丙寅黃白氣貫房黑氣環之

真宗大中祥符七年五月有氣出紫微爲宮闕狀
光燭地

宋仁宗康定元年八月庚辰夜東方有白氣長十
尺許在星宿度中至十日長丈餘衝天九十餘日淺
宋神宗熙寧二年七月甲申日下有五色雲十一
月每夕有赤色見西方隅如火至人定乃滅

宋哲宗元祐三年九月己酉夜赤氣起北方漸生

曰氣數道

宋徽宗崇寧五年四月庚子有白雲自北直徹中
天漸成五色如華蓋

徽宗正和三年夏至宰臣何執中奉祀北郊有黑
氣長數丈出自齋宮行一里許入壇壝繞祭所皆
近人穿燈燭而過俄又入於壇禮將畢不見

徽宗宣和元年四月丙子夜西北赤氣數十道亘
天犯紫宮北斗仰視星皆若縞絳紗折裂有聲聞
以白黑二氣自西北俄入東北延及東南迨曉乃

管窺輯要

卷之五十六

三

止

宣和中洛陽府畿內忽有物如人或蹲踞如犬其
色正黑不辯眉目始夜則掠小兒食之後雖白晝
入人家爲患所至喧然不安謂之黑漢有力者夜
執槍捧自衛亦有託以作過者如此二歲乃息已
而北征事起卒成金人之禍

宣和三年春日有青忽青黑無光其中洶洶而動
若銍金而湧沸狀日傍有黑雲如水波周廻旋繞
將暮而稍止

宋神宗元豐末嘗有物大如席夜見寢殿上而神
宗崩元符末又數見而哲宗崩至徽宗大觀間漸
晝見正和元年以後大作每得人語聲則出先若
列屋摧倒之聲其形僅丈餘髣髴如龜金眼行動
經經有聲黑氣蒙之見人了了氣之所及腥血四
灑兵刃皆不能施又或變人形亦或爲驢自春歷
夏晝夜出無時遇冬則罕見多在掖庭宮人所居
之地亦嘗及內殿後習以爲常人亦不大怖宣和
末寢少而亂遂作

管窺輯要

卷之五十六

五

宋欽宗靖康二年正月己亥天氣昏暄狂風迅發
竟日夜西北陰雲中如有火光長二丈餘濶數尺
民時時見之

宋高宗建炎三年二月甲寅日初出兩黑氣如人
形夾日傍至巳時乃散

建炎四年五月壬子赤氣亘天中有白氣十餘道
貫之如練起于紫微犯北斗及文昌由東南而散
高宗紹興三年七月劉豫毀明堂天地晦冥者累

日

宋孝宗淳熙元年十月戊寅東北方生曲虹

遼太祖天顯元年正月己未白氣貫日

遼道宗壽隆七年正月壬戌朔夜白氣如練自天

而降黑雲起于西北疾飛有聲北有青赤黑白氣

相雜而落甲戌上崩

金太祖收國元年正月庚子生在江寧州進師攻

遼有火光正圓自空而墜土曰此祥徵殆天助也

醉白水而拜將王莫不喜躍

金海陵天德二年十二月乙卯慶雲見狀如鸞鳳

管窺輯要

卷之五十六

三

五彩

天德三年四月丁丑朔昏霧四塞日無光凡十有

七日乃霽

海陵正隆六年六月世宗居貞懿皇后憂在遼陽

一日方寢有紅光照其室及黃龍見於室上又夜

有大星流入其邸八月復有雲氣自西來黃龍見

其中累見之是時臨潢府聞室中有車馬聲仰

視見香雲杳靄神鬼兵甲蔽天自北而南仍有語

疾行走未幾海陵下詔南征

金世宗大定七年七月巳卯午刻慶雲環日

大定二十九年正月乙卯巳初日有暈左右有珥
上有背暈兩重其色青白而厚復有白虹貫之亘
天其東有戟氣長四尺餘五刻而散

金章宗太和五年九月戊子戌時西北方黑雲間
有赤氣如火次及西南正南東南方皆赤中有白
氣貫徹乍隱乍見既而爲兩隨作風至二更初黑
雲間赤氣復起於西北方及正西正東東北往來
遊曳內有白氣數道時復出沒其赤氣又滿中天
管窺輯要 卷之五十六 天

四更皆散

太和六年正月龍山縣西見有雲結成牛車行帳
之狀或如前后摧損之勢晡時乃散

泰和六年九月乙酉將五鼓北方有赤白氣數道
起于王良之下行至北斗關陽搖光之東

金衛紹王大安三年三月辛酉辰刻北方有黑氣
如堤內有白氣三似龍虎之狀十月巳卯東北西
北每至初更如月將出之狀明至夜半而滅經月
乃已

金宣宗貞祐初白氣貫紫微司天李棟奏曰至有大兵亂幸不貫徹得不成 旣而高拱殺胡沙虎金哀宗正大三年三月庚午省前有氣微黃自東北亘西南其狀如虹中有自物十餘往來飛翔又有光倏見如二星移時乃滅

元文宗至順三年五月丁酉白虹並日出長竟天元順帝至正十四年十二月辛卯絳州有虹氣起自北方蔽天幾半移時方散

至正十八年三月辛丑夜大同路有黑氣蔽于西方聲如雷然俄頃有雲如火交射中天遍地俱見火光以物觸地輒有火起至夜半空中如有兵戈相擊之聲

至正二十二年京師有白氣如小索起危宿長五百丈掃太微

至正二十三年六月絳州日暮有紅光見于北方如火中有黑氣相雜又有白虹二直衝北斗逾時方散晉寧路北方日暮天赤中有白氣如虹者三一貫北斗一貫太極一貫天潢至夜分方滅

至正二十八年正月壬寅彰德路天寧寺塔忽變
紅色自頂至踵表裏透徹如煨鐵初出于鑪頂上
有光燄迸發自二更至五更乃至癸卯甲辰亦如
之先是河北有童謠云塔兒黑北人作至南人客
塔兒紅朱衣人作主人公七月癸酉京師赤氣滿
天如火照人自寅至辰氣燄方息

至正二十八年七月乙亥京師黑霧昏暝不辨人
物自旦近午始消如是者旬有五日

至正二十八年閏七月乙丑冀寧文水縣有白虹

管窺輯要

卷之五十六

三

貫日自東北直繞西南雲影中似日非日如鏡者
三色青踰時方沒

